

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

darium ejus ambulemus, & elegans flosculum plenum consolationis decerpamus'.
Ps.65.v.5.

3. Tempore ultima emigrationis. Quando oculi non amplius vident, aures non audiunt, lingua non loquitur, pedes non ambulant, & manus non palpant: tum sane consolatione vel maxime opus est. Unde vero eam hauries nisi e fontibus Israelis? in quibus mors piorum describitur, velut placitus somnus. Joh.11.v.11. tanquam abitus ad Patrem, Job.16.5. urliberatio ex omnibus molestiis, Phil.1.23. quis igitur eandem exhorresceret, & non potius spe instantis liberationis cum Paulo exclamaret: Cupio dissolvi, & esse cum Christo, Phil.1.v.23.

Sicut igitur pius ille Josephus in fertilitate septem annorum magnam frumenti copiam collegit, ne homines ingruente annonae caritate fame interirent, Gen.49.v.49. Ita etiam quilibet Christianus, dum mens est sana in corpore sano, templum affidit frequenter, & verbum Dei cum devotione debita audiat: quo tempore tribulationis cor suum eo confirmare possit. Licet enim in presentiarum non appareat quam utilitatem sententia haec vel illa afferrat, tamen suo tempore experiemur, nullum verbum sine insigni utilitate esse, quando vexatio ingruit, quae dat intellectum, Isa.28.v.19. Adsit nobis gratia Christi, Amen.

IN FESTO PENTECOSTES.

Evangelium, Joh. 14. v. 24. - 31.

EXORDIUM.

Cum mirandus Propheta Elias, jussu Dei, ad montem Horeb venisset, ibique in spelunca pernoctaret: sermo Domini factus est ad illum, ut egredetur spelunca: quod cum Elias fecisset, Dominus transibat, & ventus vehementissimus & fortis, distimpens montes, & conterens petras, ante Dominum: non in Spiritu Dominus, & post Spiritum commotio: non in commotione Dominus, & post commotionem ignis: non in igne Dominus, & post ignem sibilus auræ tenuis. Quod cum audisset Elias, operuit vultum suum pal-

lio, & egressus, stetit in ostio speluncæ, & loquebatur cum Domino, 1. Reg. 19.v.9.

Hæc mirabilis Historia est, in qua non modo idea visibilis Spiritus sancti effusionis ostenditur, in qua similiter sonus de cælo, tanquam advenientis Spiritus vehementis auditus est, Act.2.v.2. sed discimus quoque hinc, quomodo Deus in nos homines, præcipue vero fideles affectus sit, quia hic Eliæ in summa animi perturbatione versanti, in sibilo auræ tenuis se manifestavit. Et enim caritas ipsa, 1. Joh. 4.v.8. hinc non potest, quin diligit illos qui

vera

vera fide ipsum amplectuntur, ut Moses non temere exclamat: Diligit populos, Deut. 33. v. 5.

Inspicite cœlum & terram, & omnia, quæ in eis sunt: quid aliud illa sunt quam testimonia caritatis erga lapsum genus humanum. Omnia quippe propter hominem, sed homo propter Deum, utejus beneficia laudet, Deumque glorificet, Psal. 50. v. 15.

Inter omnia vero dilectionis divinae testimonia, illud maximum & præcipuum est, quod propter homines, Filium suum unigenitum in carnem misit, & Paracletum Spiritum sanctum super Apostolos effudit, & indies adhuc in corda nostra effundit, ut ita, sicut Bernhardus optime sentit, totus exercitus cœlestis homini quæsi ministret. Angeli mittuntur ad tuendum nos, Filius Dei ad redimendum, & Spiritus sanctus ad sanctificandum. Imo hoc extra omnem dubium est, si Deus, cœlestis Pater, sublimius & carius quicquam habuisset Filio suo & Spiritu sancto, quod & illud nobis ex ardenterissimo in nos amore non denegasset. Deus Filius & Deus Spiritus sanctus ejusdem essentiae sunt, cum Patre, ejusdemque Majestatis & gloria. Quando igitur Filium & Spiritum sanctum nobis dat, donum sibi æquale nobis exhibet. Hæc caritas est, quæ Angelorum, nemus hominum linguis exprimi nequit: sicut & Deum cœli cœlorum non capiunt, 1. Reg. 8. v. 8.

Hac de reagit in præsentia in Ecclesia Dei, maxime quod visibilem Spiritus sancti effusionem concernit, quam Christus Discipulis promisit, & quinquagesimo post resurrectionem die præstítit, unde & cuncto.

præsens festivitas nomen accepit, quod à Græcis πεντηκοστὴ vocata fuit. Nos hanc vice pro instituti ratione meditaturi sumus

- I. *Triplicem Querelam.*
- II. *Triplicem Medelam.*
- III. *Triplicem Cautelam.*

JJ.

Exegetes.

Quando Iudei in V. T. Pentecosten suam celebrabant, tenebantur Dominum sacrificium ciborum novum afferre, panes Movendæ duos, de duabus decimis similæ fermentatæ, ut constat ex Levit. 23. v. 16.

Hæc figura debiti Christianorum fuit, quod hodiernus spiritualiter nobis observandum est, postquam per Christum creatura nova effecti sumus, 2. Cor. 5. v. 17. & hoc fine Spiritum novum accepimus, Psal. 51. v. 12, ut ab illo agamur, & ducamur, ne secundum carnem, sed secundum Spiritum ambulemus, Rom. 8. v. 1. tanquam aquila renovata, Psal. 103. v. 5. quæ sursum feruntur, sapientes quæ sursum sunt, non quæ super terram, Col. 3. v. 2.

Id docet nos prælecta Pericope, quam pii Veteres in Pentecostes feso in Ecclesia declarandam ordinarunt.

Querela respicit

- I. *Amatorum Christi raritatem.* Qui non diligit me, dicit Christus, sermones meos non servat. Hoc axioma convertibile est, utrumque siquidem verum: Qui Christum non diligit, sermones ejus non servat: & qui sermones ejus non servat, vere quoque di-

PP.

cere